

Su'aalaha Inta Badan La Iswaydiyo ee Preschool for All ee loogu talagalay Qoysaska

1. Waa maxay Preschool for All?

Preschool for All (PFA) waa barnaamij lacag la'aan ah oo bixiya waxbarashada dugsiga hortii oo loogu talagalay dadka da'doodu tahay 3- and 4-jirka ee ku nool Degaanka Multnomah.

Barnaamijku wuxuu ku bilaabmi doonaa qiyaastii 500 oo boos Sibtambar 2022 wuxuuna kordhin doonaa tirada carruurta iyo qoysaska uu u adeego sanad kasta. Barnaamijku wuu ballaaran doonaa muddo marka la joogo, ilaa ay ka helayaan qoysaska oo dhani.

Codsiyadu waxay furan yihiin Maarso 30, 2022 kaasi oo loogu talagalay boosaska dugsiga hortii ee Sibtambar 2022. Dhammaan qoysaska ku nool Degaanka Multnomah ayaa u qalma in ay codsadaan. Si kastaba ha ahaatee, qoysaska leh helitaanka ugu yar ee waxbarashada dugsiga hortii oo tayo sare leh ayaa mudnaanta la siin doonaa.

2. Ayaa u qalma barnaamijka Preschool for All?

Carruurta u qalantaa waa in ay:

- Leeyihiin waalid ama mas'uul sharci oo ku nool Degaanka Multnomah
- Yihiin 3 ama 4 sano jir ka hor Sibtambar 1, 2022 kaasi oo loogu talagalay sanad dugsiyeedka 2022 - 2023

3. Miyay xaalada muhaajirnimo muhiim tahay marka la codsanayo barnaamijka Preschool for All?

Xaalada muhaajirnimo ma aha mid loo tixgeliyo barnaamijka Preschool for All. Sidoo kale looma tixgeliyo in uu yahay gargaarada dowladdeed "public charge" oo loogu talagalay ilmaha iyo qoyska haddii ay ka qayb qaataan barnaamijka Preschool for All.

4. Ayaa mudnaanta la siin doonaa barnaamijka Preschool for All?

Qoysaska leh helitaanka ugu yar ee waxbarashada dugsiga hortii oo tayo sare leh ee mudnaanta la siin doono, waxaa ka mid ah:

- Dadka Madow, Cawlan, Hindida Dhaladka Maraykanka ee Dhulka loogu yimid iyo dhammaan Qoysaska Midabyada kala duwan leh;
- Carruurta muhaajirka iyo qoxootiga ah;
- Carruurta ku hadasha luqaddo aan ka ahayn Ingiriisi;
- Carruurta qabta dib u dhaca korriinka maskaxda iyo naafanimada;
- Carruurta ay dhalaan dhalinyarada waalidka ah ama ka tirsan qoysaska ciidanka;

- Carruurta ku nool daryeelka ilmo korsiga, iyo
- Carruurta ka soo jeeda qoysas uu saameeyay dakhliga hooseeya, hoy la'aantu, xabsi ku jirista, isticmaalka mukhaadaraadka (SUD), xanuunada caafimaadka dhimirka, iyo rabshada guriga.

5. Goorma ayuu codsiga barnaamijka Preschool for All furmayaa?

Codsiga barnaamijka Preschool for All wuxuu furmi doonaa Maarso, 30, 2022 kaasi oo loogu talagalay 2022-2023 sanad dugsiyeedka dugsiga hortii. Waxaan ku dhiirigelinaynaa qoysaska in ay goor hore codsadaan. Codsiyada mar dambe lama aqbali doono marka aanu helno codsiyo ku filan oo loogu talagalay kuraasta la heli karo.

6. Sidee baan u codsadaa barnaamijka Preschool for All?

Codsiyada loogu talagalay sanad dugsiyeedka 2022-23 waxaa laga aqbali doonaa internet-ka ee website-kan <https://preschoolforall.mtco.us>. Haddii aad u baahan tahay in aad codsato, [riix halkani taasi oo loogu talagalay liiska Hagayaasha Qoyska](#) oo ku caawin kara.

7. Waxaan haystaa wax ka badan hal ilme oo u qalma. Miyaan isticmaali karaa codsi isku mid ah si aan ugu dalbo labadoodaba?

Haa, waad isticmaali kartaa codsi isku mid ah si aad ugu dalabto dhammaan carruurta ku nool gurigaaga ee u qalanta.

8. Goorma ayaan ogaan doonaa haddii ilmahaygu heli doono booska barnaamijka Preschool for All?

Qoysaska ayaa go'aanada codsiga la socodsiin doonaa laga soo bilaabo horraanta Luulyo 2022. Haddii Hagayaasha Qoyska kaa caawiyeen codsiga, waxaa dhici karta in ay si toos ah kuula socdaan sidoo kale.

9. Miyaan codsigayga ku gudbin karaa luqad aan ka ahayn Ingiriisi?

Codsiga waxaa kaliya lagu gudbin karaa Ingiriisi ama Isbaanish. Haddii aad u baahan tahay taageero luqad kale ah [riix halkani taasi oo loogu talagalay liiska Hagayaasha Qoyska](#) ee aad la xiriiri karto si aad u hesho caawimaad.

10. Miyay carrruurtayda qoran barnaamijka Preschool for All heli doonaan cuntooyin lacag la'aan ah?

Inta badan ka qayb qaadashada barnaamijyadu ka tirsan Preschool for All waxay bixiyaan cuntooyin lacag la'aan ah. Qoysaska waxaa lagu dhiirigelinayaa in ay waxyaabo dheeraad ah ka ogaadaan barnaamijyada ay ku dareen codsiyadooda iyaga oo booqonaya website-yada barnaamijka ama soo wacaya barnaamijka si ay u weydiiyaan su'aalo. [Hagayaasha Qoyska](#) ayaa sidoo kale taageeri kara qoysaska qaba su'aalo ku saabsan daryeel bixiyayaasha taageeri doona baahiyahooda.

11. Waa maxay taxaddarada uu barnaamijka Preschool for All qaadayo inta lagu jiro COVID-19?

Inta badan barnaamijyada Preschool for All waxaa looga baahan yahay in ay ruqsad haystaan oo raacaan xeerarka Xafiiska Gobolka Oregon ee Daryeelka Carruurta. Xeerarkani waxaa ku jira tilmaamaha u yaala COVID-19, sida lahaanshaha qorshaha maareynta cudurka, xirashada maaskaraha, iyo ka reebista/saarista carruurta iyo macallimiinta la ogaado in ay qabaan COVID-19. Dugsiyada degmada loogama baahna in ay ruqsad haystaan oo raacaan nidaamyada u yaala caafimaadka iyo badbaadada.

12. Maxay yihiin shahaadooyinka/aqoonsiga bixiyayaasha dugsiga hortii?

Barnaamijyada Preschool for All waxaa ruqsad siin doona Xafiiska Gobolka Oregon ee Daryeelka Carruurta ama waxaa gacanta ku haya dugsiyada degmada. Macallimiintu waa in ay buuxiyaan tababarka ugu yar iyo heerarka waxbarasho, ka qayb qaataan tababarka socda, oo sii wadaan horumarinta xirfadahooga. Goobaha barnaamijka Preschool for All waxay heli doonaan caawimaad iyo taageero ka socota hawl-wadaagayaasha si loo xoojiyo barnaamijyadooda.